



28. august 2013

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

Tasiilami Meeqjanik Ilaqutariinnillu sullissinermut kiisalu Tasiilami imigassamut politikki pillugu Naalakkersuisunut apeqqutit:

- 1. Tasiilarmiut 60-t sinnillit imigassamut katsorsartinniarlutik utaqqipput. Naalakkersuisut suliniutinik sunik aallartitsiniarpat – immaqa Kommuneqarfik Sermersooq suleqatigalugu – taakku ikilisinniarlugit?**
- 2. Taakku innuttaasut 60-t sinnillit utaqqisutut allatsissimasut qanoq sivisutigisumik utaqqisariaqassasut Naalakkersuisut naatsorsuutigaat aamma qanoq iliortoqarpa inuit taakku ikiorniarlugit taakkulu ilaquaat, utaqqineranni?**
- 3. Ilaqutariinnermut Inatsisinillu atortitsinermut Naalakkersuisup pingaartippaa, imigassamut katsorsartittarneq suliniarfiunerusariaqartoq. Naalakkersuisut qanoq iliorlutik isumaginiarpaat, immikkoortup taassuma suliniarfigineqarnerunissa?**
- 4. Ilaqutariinnermut Inatsisinillu atortitsinermut Naalakkersuisup nuannaarutiginerarpaa Tasiilami Meeqjanik Ilaqutariinnillu sullissinerup siuariartornera. Naalakkersuisut qinnuigaagut ineriartorneq kusanartoq taanna itisileqqullugu assersuusiorfigeqqullugulu – ajornanngippat ukiuni kingullerni qulini kisitsosit atorlugit paasissutissaatit atorlugit?**
(Inatsisartunut ilaasortaq Jens B. Frederiksen, Demokraatit)

Begrundelse

Ilaqutariinnermut Inatsisinillu atortitsinermut Naalakkersuisoq ulloq 19. august 2013 tusagassiutinut nalunaarummini oqaluttuaraa Tasiilamut atorfimminut atatillugu angalasimanini.



Tusagassiutinut nalunaarut ajoraluartumik itisilingaanngilaq imaqlunilu issuagaannarnik oqaatsinillu kusanartunik minillugit Tasiilami innuttaasunut suliniutissat tigussaasut aallartinniakkallu.

Assersuutigalugu Naalakkersuisoq oqarpoq, inuit 60-nit amerlanerusut imigassamut katsorsartinniarlutik utaqgisut immikkoortorlu tamanna suliniarfiusariaqartoq. Kisianni oqaatsimik ataasinnguamilluunniit taanngilaa qanoq iliorluni tamanna suliniarfuginiarnerlugu.

Aamma inerniliunneqarpoq meqqanut ilaqtariinnullu sullissineq siuariartortoq, kisianni puigorneqarpoq tamanna inerneq qanoq ililluni anguneqarsimanersoq.

Demokraatini angisuumik soqtigaarput siuliani tusagassiutinut nalunaarummi oqaatigineqartut paasiaqarfiginerunissaat taamaattumik naatsorsuutigaarput Naalakkersuisut apeqqutit akiumaaraat tigusineraniit ullut sulliviit naliginnaasut qulit qaangiutsinnagit.